



Universitätsbibliothek Paderborn

**Canonicorvm Regvlarivm Ordinis S. Avgvstini Origines ac
Progressus, Per Italiam, Hispaniam, Galliam, Germaniam,
Belgium, aliasque orbis Christiani prouincias**

Le Mire, Aubert

Coloniae Agrippinae, 1614

Capvt XVIII. Schlirense Monasterivm, Germanicè Schliers.

urn:nbn:de:hbz:466:1-11321

tem siluae *Nortvvald*, in Comitatu Adalberonis, à fonte fluminis *Vlzæ*, usque ad terminum siluae huius, ubi separat Bohemiam & Bauariam, & decursum *Vlzæ* & *Rotilæ* usque in Danubium iuxta diploma XIII. Calendis Maij, Anno millesimo decimo, datum.

Heilkæ primæ Abbatissæ sepulcrum, hodieque visitur, cum hac inscriptione: *Anno 1020, in die Sanctæ Thecla Virginis obiit Heilka, amica Sancti Henrici Imperatoris, prima Abbatissa huius monasterij.*

Ibidem anno 1095. Non. Maij, obiit Sisala S. Henrici Imperatoris soror, vxor Stephani, Regis Vngariæ, Abbatissa secunda huius loci, hic pariter sepulta: quæ tam viro quam filio orbata, Patauiam ad hoc monasterium venit, in quo primùm habitum monasticum assumpsit; paulò post Abbatissa designata, monasterium præclarè illustravit & auxit. Sic ferè Hundius in sua Metropoli Salisburgenſi.

CAPUT XVIII.

SCHLIRENSE MONASTERIVM, Germanicè Schliers.

DE institutione huius monasterij ad lacum *Schliers*, inter Oenum & Mangualdum flumina ad radices Alpium situm,

sic

sic ferè scribit Auentinus in suis Annalibus,
lib.3. Adlund, Hildeuald, siue Hiltbold, Odacer,
Garioualda, siue Gariobald, Antonius, claris orti
natalibus, ad Sylurnum lacum, monachis Benedi-
ctinis, templum adficiarūt, Aribō Episcopus Frisin-
gensis dedicauit, Berchtoldum ipsis patrem dedit,
& hoc sub Tessalone Duce Bauaria, circa annum

760. Domini 760. De hac fundatione ita scriptum
reperio in libro magno traditionum Frisingæ:
*Regnante in perpetuo Domino nostro I E S V
Christo, Est in Dei nomine Adalunc, simul cum fra-
tribus nostris, nomine Hiltipalt, seu Kerpalt, nec-
non & Antonio siue Otatico, inspirante diuina
gratia, secularia negotia deserentes, locum nobis
elegimus de communi hereditate nostra, siue pa-
rentum nostrorum in vasta solitudine eremi, qua
dicitur Schliersee, & ibidem, adiuuante Domino
Deo nostro, cellulam more solito construximus.
Nam & oratorium cum consensu Episcopi Domini
Ariboni adficiauimus, deinde aduocato prædicto
Episcopo ad consecrandam prædictam Ecclesiam,
ita factum est. Deinde sub ditione ipsius Episcopi
nosmetipso commendauimus per omnia, inde
de manu Episcopali electum nobis magistrum, vi-
rūm venerabilem, nomine Berchtcol, in nostro sus-
cepimus magisterio. Deinde post biennium com-
placuit fratribus eligere prædictum Berchtcol ibi-
dens Abbatem per consensum fratrum; & adduxi-
mus eum ad prædictum Episcopum, qui iuxta or-
dinem regulæ S. Benedicti, electum ordinavit &
nobis*

nobis posuit Abbatem. Ideoq; decreuimus cum consensu ipsius prædicti Episcopi nostri, vt secundum auctoritatem S. Benedicti regulam regerent, & ibidem regulariter de ipsis fratribus sibi met ipsi eligerent Abbatem, ipso ordinante Episcopo, de domo S. Marie: si ibidem forsitan defuerint, tales intra ipsos fratres de domo Episcopali eligant Abbatem, ordinante Episcopo. Actum in prædicto monasterio Schliersee, X I I. Kalen. Februar. in dict. 12. regnante Domino Tassilone, anno 32. Et ipsi subscripti fratres inuicem testes exstiterunt. Hos fundatores puto fuisse familiæ VValdecensium dominorum. Tametsi enim hoc monasterium, cum alijs plerisque circa annum 907. per Vngaros vastatum, per Ottонem Episcopum Frisingensem cum fratre Henrico Duce Bauariæ, ex familia Leopoldi Austriaci Marchionis vñà cum alijs monasterijs Bauariæ, circa ann. 1140, restauratum sit, translati eò *Canonicis regularibus*, nihil tamen eximum contulerunt, vt potè, qui in Bauaria nihil proprij habebant, atque ibi modico tempore imperarunt. vnde pro fundatoribus huius monasterij ipsi non habendi; sed potius Domini Baldecenses.

Propter vetustatem huius familiæ, quæ omnia circum circa possedit, post deuastationem antiquæ arcis VValdeck, cuius rudera in Præalta rupe, suprà lacum adhuc exstāt, in Schliers & VVallenburg, VValdecenses

F

pro-

proceres habitarunt, merū ac mixtum impe-
riū vnā cum aduocatia monasterij, imò etiā
in plerisque monasterij prædijs, à maioribus
suis datis, partem censuum, vulgariter, die
Stiftspfennig in signum Dominij retine-
runt. vnde ab ipsis canonicis in libro de ori-
gine & fundatione monasterij, anno 1378.
scripto, in plerisque locis fundatores illius
nominantur, qui ibidem sua sepulchra anni-
uersaria ac sacra habent. Item in quodam cō-
tractu inter Canonicos & Dominū VV olff-
gangum de VValdeck, vltimum illius fami-
liæ, per Sixtum Frisingensem Episcopum, &
Albertum Bauariæ ducem, anno 1467. pro-
bato cautum est, vt prædictus VVolfgangus
pro altero fundatore haberetur & inscribe-
retur. Post obitum VValdecensium transla-
tum est hoc monasterium auctoritate Ponti-
ficia per Albertum, Ducem Bauariæ, vnā cū
Ilmunsteriensī Monachium, & vnione facta,
instituta est ibi collegiata Ecclesia ad B. Vir-
ginem Mariam, anno Domini 1495. Ita fe-
rè Hundius libro citato.

CAPVT XIX.

DONONIENSE MONASTERIVM
Canonissarum reformatarum ad Scaldim Flu-
uium secundo lapide à Valentianis,
Hannoniae opido.

S• Regina ex consilio parentum, & Pi-
pini Regis, cuius neptis erat, in coniu-
gale